



ТОШКЕНТ

Газета 1966 йил 1 июлдан
чиқа бошлаган

ОҚШОМИ

Шаҳар ижтимоий-
сиёсий газетаси

№ 18 (9.056)

1998 йил

16 февраль, душанба

Сотувда эркин нархда

Туманларда



Қуриш

БУНЁДКОРЛАРНИНГ НАВРЎ ТУҲФАСИ

Пойтахтимизнинг Хадра майдони қўрам ва гўзал бинолар билан бойиб, кундан кунга чирой очмоқда. Бу ерда яқинда қурувчиларнинг шижоатли меҳнати эвазига бунёд этилиб, транспорт ҳайдовчилари учун қулайлик тўғрисида эришилган ҳам қувонардир.

Айни кунларда майдонда қуриш ишлари янада жадал суръатлар билан давом этмоқда. Йўлингиз тушиб бу ердан ўтиб қолсангиз, бир томонда бунёд этилаётган савдо растанларию, яна бир тарафда қурилиши тезкорлик билан олиб борилаётган кўп қаватли бинога кўзингиз тушади. Бу ерда меҳнат қилаётган бунёдкорларнинг эса ниятлари битта — майдонни шахримизнинг энг гўзал масканларидан бирига айлантиришдир.

Цирк биносининг ўнг томонида юксак суръатлар билан қурилаётган турар жой биноси бунёдкорлари амалга ошираётган ишлар, айниқса, таҳсинга лойиқдир. Бу ерда шаҳар ҳокимлиги буюртмасига кўра 3 та «А», «Б», «В» блокни 7 қаватли ғиштли турар жой биноси қурилиши давом этмоқда. Қурилишнинг бош пудратчиси «Тошкентуйжойинвесткуриш» корпорациясига қарашли 12-трестнинг 50-қуриш бошқармасидир. Қуриш-тиклаш ишлари ниҳоятга етказилаётган бу бинода 3 та бригада азаматлари икки сменада меҳнат қилишмоқда.

Шоанвар Шоносиров бошлиқ тикловчилар, Йўлдош Шобилолов ҳамда Рустам Муллажонов етакчилигидаги гира



шт терувчилар бригадалари 60 кишилик аҳил жамоаси чинакамга файрат кўрсатишмоқда. Ишбоши Саидқабар Абдураззоқов қурилаётган уйлар ҳақида шундай деди:

«А» блокни уймиз 24 хонадонга мўлжалланган бўлиб, унинг 1-қаватида савдо растанлари жойлашади, «Б», «В» блокни уйлар эса 12 тадан хонадонга мўлжалланган. «Б» блокнинг парки икки, «В» блокнинг эса биринчи қаватларида

бирлашмасидан қурилиш материаллари — темир-бетон ҳамда ғишт олиб келишмоқда. Қуриш материалларининг узлуксиз равишда етказиб турилиши бунёдкорларнинг файратига файрат қўшмоқда.

«А» блокни уйда пардозлаш ишлари бошланганига анча бўлди. Салохиддин Абдувоҳидов бошлиқ пардозловчилар бригадаси аъзоларининг ҳам ушбу кунда ишлари қизгин бормоқда. 18 кишидан иборат бригада пардозловчилари тез ва сифатли ишлашмоқда. Улар бу ерда истиқомат қилаётган хонадон эгаларини ўзларининг моҳирона бажарилган ишлари билан хушнуд этиш ниятлидир.

— Уйларнинг биринчи «А» блоки Наврўз байрами арафасида фойдаланишга топширилади, — дейди С. Абдураззоқов. — Кейинги уйлар эса Мустақилликнинг 7 йиллиги байраминга қуриб битказилади.

Шоҳида БАХРОМОВА.
СУРАТЛАРДА: иш сифатига алоҳида эътибор бераётган моҳир қурувчилар (чапдан) Қобил Тўхтаев, Шухрат Шобилолов, Файрат Шобилолов, Эркин Тўхтаевлар ҳар кунги ишни бамаслаҳат



бажарадилар; ғишт терувчи Улмас Охунжонов ўз ишининг устаси; Хадра майдонида қурилаётган уйларнинг умумий кўриниши.

Рустам Шарипов олган суратлар.

ЧИПОНЗОР

● **Саноат.** Тумандаги корхоналарда маҳсулот-ишлаб чиқариш тобора ўсиб бормоқда. Бу ўсишда «Кока-кола» ичимлиги Тошкент ЛТД, «Совпластитал» ва «2-тажриба-синов механика заводи» каби корхоналар асосий ўринни эгаллайди. Жумладан, «Совпластитал» қўшма корхонасида пластмассадан 2,5 минг турдаги маҳсулот тайёрланади. Хом ашё асосан Швейцария, Германия, Италия, Литва, Россия, Қозоғистон ва Белоруссия мамлакатларидан олинмоқда. Корхона маҳсулотига бўлган талаб нафақат республикамизда, балки хорижда ҳам ортиб бормоқда. Ҳозирги кунда «Совпластитал» маҳсулотлари Эрон, Россия, Қозоғистон, Туркменистон ва Қирғизистонга экспорт қилинмоқда.

● **Транспорт.** Тумандаги 5-таксопарк жамоаси ўз ҳисобидан Асакада ишлаб чиқарилган «Нексия» енгил автомашиналаридан учтасини сотиб олди. Уларнинг биринчиси таксопаркнинг илгор ҳайдовчиси Абдурахим Кулаҳмедовга топширилди. Бу йил бундай енгил автомашиналардан яна ийгирматасини сотиб олиш кўзда тутилмоқда.

● **Таълим.** Тумандаги 270-мактаб ўқув биносининг биринчи қисми фойдаланишга топширилди. Эндиликда болалар кенг ва замонавий услубда қурилган синфхоналарда билим олмақдалар. 1998—1999 ўқув йилигача ўқув биносининг қолган иккинчи қисмини ҳам қуриб мактаб жамоаси ихтиёрига топшириш кўзда тутилмоқда.

● **Саломатлик.** Туманда фаолият кўрсатаётган Соғлиқни сақлаш вазирлигига қарашли Жарроҳлик илмий маркази ўзбекистонда бу соҳа бўйича ягона илмий муассасадир. У республикада ихтисослашган жарроҳлик бўйича илмий-услубий, тиббий маслаҳатлар берувчи давлат маркази ҳисобланади. Бу ердаги тиббий маслаҳатхона ва диагностика бўлимида ҳар йили республикамизнинг барча вилоятларидан ҳамда Марказий Осиё республикаларидан 40-50 мингдан зиёд бемор текширувдан ўтади. Айни дамда марказда кўрак ва қорин бўшлиғи аъзолари ҳамда юрак-қон томирларини ультратовуш ва радиологик диагностикаси, метъа ва ўн икки бармоқли ичакнинг яра касаллигида лазер ва эндоскопия технологиясини қўшиб даволаш йўлга қўйилган. Бу борада жарроҳлик илмий маркази олимлари АҚШ, Англия, Австрия, Швейцария, Франция, Германия каби давлатлар билан илмий алоқалар ўрнатганлар.

● **Спорт.** Туманда 4 та ўйингоҳ, 68 та спорт зали мавжуд. 2 та 50 метрли ёпиқ сув ҳавзаси ва 5 та 25 литрли очик сув ҳавзаси ҳам туман аҳолиси ихтиёрида. Бундан ташқари «Тошметроқуриш» корпорациясига қарашли «Метроқурувчи» фирмаси қўшиқда «Метроқурувчи» спорт мажмуасида теннис корти ва футбол майдончаси қурилиши бошланган эди. Бу спорт мажмуасида қурилиш ишларининг тугаллиниб, фойдаланишга топширилиши туман аҳолиси учун катта туҳфа бўлди.

Наргиза ПИРНАЗАРОВА.



ПОЙТАХТНИНГ БИР КУНИ

Ангилликлар, Воқеалар, Хабарлар

● 13 февраль кунини Киев шаҳрида Украина Вазирлар Маҳкамасининг муҳташам қабуллар уйида Президент Ислон Каримовнинг «Ўзбекистон XXI аср бўсағасида:

хавфсизликка таҳдид, барқарорлик шартлари ва тараққиёт кафолатлари» китобининг тақдимот маросими бўлди.

● Европа Иттифоқи Кенгаши Дания ҳукуматидан Ўзбекистон Республикаси билан Европа Иттифоқи ўртасида имзоланган Шериклик ва ҳамкорлик тўғрисидаги битимни ушбу мамлакат парламенти ратификация қилгани ҳақида расмий хабар олди.

● Арманистонда шу йил 16 март кунини ўтказиладиган давлат раҳбари лавозимига сайловларнинг 8 нафар давловари номлари эълон қилинди. Улар орасида ҳозир президент лавозимини бажариб турган Роберт Кочерян ва Миллий-демократик иттифоқ раиси Вагген Малакянлар бор.

● Россия Бош вазирининг биринчи ўринбосари Борис Немцов Россиядаги темир йўллар хусусийлаштирилмаслигини хабар қилди.

● Россиянинг собиқ мулоффа вазири Павел Грачев Рязань вилоятида автомобилга фалокатига учраб қаттиқ жароҳатлар билан касалхонага ётқизилди.

● Озарбайжон Миллий мажлиси (парламенти) кўпчилик овоз билан ўлим ҳазосини бекор қилиш тўғрисида қарор қабул қилди.

● Тожиқ-афғон chegarасининг ҳудудларидан бирида қурулланган тўрт нафар шахс ўлдирилди.

● Озарбайжон Президенти Ҳайдар Алиев республика ташқи ишлар вазири Гасан Гасановни хизмат лавозимини суиистеъмол этганлиги учун вазифасидан бўшатишди.

● Ироқ Бош вазири ўринбосари Тариқ Азиз ўз мамлакатига қарши уруш ҳаракатлари бошлангудек бўлса, Ироқ Исроил ва Қувайтга ҳеч қандай қаратма зарбаи бермайди, зарба босқинчиларга қарши қаратилади, деб баёнот берди.

● Германия ташқи ишлар вазири Клаус Кинкель ва «Даймлер Бенц» концерни президенти Грузия Президенти Эдуард Шеварднадзега ўқ ўтмайдиغان янги «Мерседес» машинасини совға қилди. Бу машина яқин кунлар ичида Тбилисига келтирилади.

● Кеча Бағдоддан унча узоқ бўлмаган жойга /БМТ текширувчилари гуруҳи келди. Бу гуруҳ президент саройларини текширишга киришди.

● Қувайтда Ироқ томонидан ҳужум бўлгудек бўлса мамлакатни ҳимоя қиладиган кўнгилнинг уқитиши давом этмоқда.

● Шанба кунини эрталаб Афғонистоннинг шимолидаги Тоҳар вилоятида яна ер қимирлади. Унинг кучи Рихтер ўлчови бўйича 4,7 баллини ташкил этди. Ҳалок бўлганлар ва вайронгарчиликлар ҳақида маълумотлар олинганча йўқ.

● Марказий Италиянинг транспортлар тез қатнайди-ган йўлида 250 та автомобилнинг тўқнашув оқибатида тўрт киши ҳалок бўлди, 80 киши жароҳатланди. Қуюқ туман ана шу фалокатга сабаб бўлди.

● Шанба кунини тунда Тбилис марказида Грузиянинг собиқ президенти Звиад Гамсахурдиянинг ўғли Георгий автомобил ҳалокатига учради. У бошидан оғир жароҳат олган ҳолда маҳаллий касалхонага келтирилди.

● Арманистон пойтахти Ереван шаҳридан 40 километр узоқликда жойлашган ҳарбий қисмда хизмат қилаётган олдий аскар М. Оганян қорувуликдан қайта туриб, казармага кирди ва кўлидаги автомат билан 5 нафар хизматдошини ва бир зобитини отиб яширилади. Қотил аскарнинг жасади Ереваннинг марказий майдонда топилди. У ўзини ўзи отган деб, тахмин қилинмоқда.

● Канаданин Огтава шаҳрида спорт фахрийлари ўртасида ўтказилган оғир атлетика бўйича биринчи жаҳон ўйинларида қатнашган мамлакатимиз оғир атлетикачилари катта муваффақиятларни қўлга киритди. Ҳамюртимиз Камолдин Панахов шангани даст кўтариш, силтаб кўтариш ва тошлар жамламаси бўйича жаҳон рекордини ўрнатди.

